

ԳՆԱՌԱՋԱՐԿՆԵՐ ՆԵՐԿԱՅԱՑՆԵԼՈՒ ՀՐԱՎԵՐ

ձկնաբուծարանում ջրի արդյունավետ օգտագործման համակարգի կառուցման ծրագրի նախագծային աշխատանքներն իրականացնելու համար (RFP # 18/10/17)

ԱՄՆ միջազգային զարգացման գործակալության ֆինանսավորմամբ իրականացվող «ԳԱՍՕ»¹ ծրագիրը հրավիրում է մասնագիտացված տեղական կազմակերպություններին գնառաջարկներ ներկայացնելու Արմավիրի մարզի Մեծամոր քաղաքի հարևանությամբ գտնվող ձկնաբուծարանի տարածքում ջրի արդյունավետ օգտագործման համակարգի կառուցման ծրագրի նախագծային աշխատանքների իրականացման համար:

Պահանջվող աշխատանքների մասնագրերը և ծավալները, ինչպես նաև առաջարկվող գործարքի պայմանները ներկայացված են ստորև:

Ա. Պահանջվող աշխատանքների նկարագրությունը

«ԳԱՍՕ» ծրագրի շրջանակներում նախատեսվում է Մեծամոր քաղաքի հարևանությամբ գտնվող «Արմավիրի Ֆերմեր» ՍՊԸ-ին պատկանող ձկնաբուծարանի 2-րդ տեղամասի տարածքում, գոյություն ունեցող հինգ բետոնե ավազանների բազայի վրա հիմնել փորձարարական ձկնաբուծական տնտեսություն՝ ջրի արդյունավետ օգտագործման տեխնոլոգիաների փորձարկման և ցուցադրման համար:

ձկնաբուծարանի և դրա 2-րդ տեղամասի գտնվելու ճշգրիտ վայրը պատկերված է սույն հրավերի հավելված 1-ում ներկայացված արբանյակային լուսանկարների վրա:

Ավազաններում նախատեսված ձևափոխությունները և կառուցվելիք համակարգերի սխեմատիկ պատկերը ներկայացված են սույն հրավերի հավելված 2-ում:

Պահանջվում է առաջարկված կոնցեպտի (հավելված 2) հիման վրա պատրաստել համակարգի և դրա բոլոր ենթակառուցվածքների ինժեներական նախագծերը և օգտագործվող նյութերի ու տեղադրվելիք սարքավորումների (պոմպեր, կոմպրեսորներ, վահանակներ և այլն) ծավալաթերթերն ու մասնագրերը:

Բ. Մրցույթի իրականացման կարգը

Շահագրգիռ կազմակերպությունները պետք է մինչև ս.թ. հոկտեմբերի 23-ը իրենց հաշվին այցելեն ձկնաբուծարանի տարածք և տեղում գնահատեն պահանջվող աշխատանքների իրականացման հետ կապված ծախսերը: Այցելությունը կազմակերպելու համար անհրաժեշտ է զանգել «ԳԱՍՕ» ծրագրի գրասենյակ՝ (010) 514-313, 514-314 կամ 514-315 հեռախոսահամարներով:

Հոկտեմբերի 23-ին ժամը 15:00 ԳԱՍՕ ծրագրի գրասենյակում, սույն հրավերի «Դ» բաժնում նշված հասցեով, կազմակերպվելու է «Մրցույթի մասնակիցների հետ նախնական հանդիպում» (այսուհետ՝ Նախնական հանդիպում) մրցույթի մասնակիցների հարցերին պատասխանելու և պատվերի հետ կապված պարզաբանումներ տալու համար: Հանդիպման արդյունքներով կազմվելու է արձանագրություն հանդիպման ընթացքում հնչեցված բոլոր հարցուպատասխաններով և ուղարկվելու է հանդիպմանը ներկայացված շահագրգիռ կազմակերպություններին:

¹ ԱՄՆ ՄՁԳ-ի կողմից ֆինանսավորվող «Գիտական առաջադեմ տեխնոլոգիաների օգտագործում և համագործակցություն հանուն ռեսուրսների համալիր պահպանության» ծրագիրն իրականացվում է «Մենդեգ Բնգլանդ ընդ Աստուսիթյոս» ընկերության հայաստանյան մասնաճյուղի կողմից: Ավելի մանրամասն տեղեկությունների համար այցելեք <http://www.aspired.wadi-mea.com/> կայքը:

Շահագրգիռ կազմակերպությունների ներկայացուցիչների մասնակցությունը Նախնական հանդիպմանը պարտադիր է: Նախնական հանդիպման չմասնակցած կազմակերպությունների հայտերը չեն ընդունվելու:

Գ. Գնառաջարկի ձևը, լրացուցիչ տեղեկություններ

Նախնական հանդիպմանը մասնակցած շահագրգիռ կազմակերպությունները (այսուհետ հայտատուները) պետք է ներկայացնեն իրենց գնային առաջարկությունները աղյուսակային ֆորմատով՝ առանձին-առանձին նշելով պատվերի կատարման համար անհրաժեշտ բոլոր աշխատանքների գները:

Հայտատուի կողմից ներկայացված ընդհանուր գնի և առանձին աշխատանքների գների հանրագումարի միջև տարբերություն հայտնաբերելու դեպքում ԳԱՏՕ-ն որպես հիմք ընդունելու է առանձին աշխատանքների գները:

Բոլոր գները պետք է ներկայացված լինեն առանց ԱԱՀ-ի:

Գնառաջարկում հայտատուն պետք է նշի իր հայտի վավերականության շրջանը (այսինքն՝ մինչև երբ է ուժի մեջ իր կողմից ներկայացված հայտը) և պատվերի կատարման համար պահանջվող ժամանակահատվածը:

Լրացուցիչ տեղեկություններ

Բացի վերը նշված ֆորմատով ներկայացված գնառաջարկից հայտատուն իր հայտում պետք է տրամադրի նաև հետևյալ փաստաթղթերն ու տեղեկությունները.

1. համառոտ (մինչև 1 էջ) տեղեկանք կազմակերպության պատմության և փորձի մասին,
2. առնվազն երեք պատվիրատուների հեռախոսները և հասցեները՝ հայտատուի արտադրանքի և ծառայությունների վերաբերյալ կարծիք հարցնելու համար:

Դ. Հայտի ներկայացման ձևը, վայրը և վերջնաժամկետը

Հայտը, որն իր մեջ պետք է ներառի գնառաջարկը և լրացուցիչ տեղեկությունները (տես «Գ» բաժինը), պետք է մինչև **2017 թ-ի հոկտեմբերի 26-ը, մինչև ժամը 17:00** ներկայացվի ԳԱՏՕ ծրագրի գրասենյակ, որի հասցեն է.

*Երևան 0009, Տեղյան 105/1,
Ցիտադել բիզնես կենտրոն, 204 սենյակ*

Գնառաջարկը պետք է ստորագրված լինի հայտատուի լիազոր ներկայացուցիչ կողմից, կնքված լինի հայտատուի պաշտոնական կնիքով և դրված լինի փակ ծրարի մեջ, որի վրա պետք է նշված լինի հայտատու կազմակերպության անվանումը և «Միֆանիկի խորքային հորի լուծարում» բառերը:

Ե. Ընտրության սկզբունքը

Ընտրությունը կատարվելու է առաջարկված գնի հիման վրա: Հաշվի է առնվելու նաև ներկայացված տեղեկությունների հավաստիությունը, ինչպես նաև պատվերի կատարման համար առաջարկված ժամանակահատվածը:

Զ. Պարտավորությունների շրջանակների հստակեցում

Սույն հրավերի հրապարակումը ապրանքների և ծառայությունների մատակարարման պատվեր տալու որևէ պարտավորություն չի դնում ԳԱՏՕ ծրագրի վրա: Ավելին, ծրագրի գրասենյակն իրավունք է վերապահում մերժել բոլոր ներկայացված հայտերը:

Հավելված 1



Չկարուծարան

Հավելված 1



